

**REGIONAL NEWS UNIT**  
**ALL INDIA RADIO, AGARTALA**  
**Date: 12-04 -2026**  
**Time: 07:35-07:40 AM Hrs**  
**BENGALI MORNING BULLETIN**

---

**ADC-Election :**

আজ সকাল সাতটা থেকে এডিসি নির্বাচনের ভোট গ্রহণ শুরু হয়েছে। চলবে বিকেল চারটা পর্যন্ত। এডিসি'র ২৮টি আসনের জন্য মোট ১ হাজার ২৫৭টি কেন্দ্রে ভোটকর্মীরা ভোট সামগ্রী নিয়ে কড়া নিরাপত্তার মধ্য দিয়ে গতকালই নিজ নিজ ভোটকেন্দ্রে পৌঁছে যান। এই নির্বাচনে মোট ১৭৩ জন প্রার্থী প্রতিদ্বন্দ্বিতায় রয়েছেন। মোট ভোটার ৯ লক্ষ ৬২ হাজার ৬৯৭ জন। এদের মধ্যে পুরুষ ভোটার ৪ লক্ষ ৮২ হাজার ২৫ জন, মহিলা ভোটার ৪ লক্ষ ৮০ হাজার ৬৬৬ জন ও অন্যান্য ভোটার রয়েছেন ৬ জন। অবাধ ও সুষ্ঠু নির্বাচনের জন্য রাজ্য নির্বাচন কমিশনের পক্ষ থেকে প্রয়োজনীয় সব ধরনের ব্যবস্থা গ্রহণ করা হয়েছে।

এদিকে পুলিশ সদর দপ্তর জানিয়েছে, এডিসি নির্বাচনে মোট ১২৫৭টি ভোট কেন্দ্রের মধ্যে ৩১১টি অতি স্পর্শকাতর। ৬৯৩টি স্পর্শকাতর। সাধারণ ক্যাটাগরির ভোট কেন্দ্র রয়েছে ২৫৩টি। এডিসি নির্বাচনে নিরাপত্তার জন্য রাজ্যে কেন্দ্রীয় বাহিনীর কুড়ি কোম্পানি জওয়ান মোতায়েন রয়েছেন। বর্তমানে মোট ২৪ কোম্পানি কেন্দ্রীয় বাহিনী দায়িত্ব পালন করছেন। তাছাড়া, এডিসি

নির্বাচনে প্রায় ১২ হাজার রাজ্য পুলিশ ও টি.এস.আর জওয়ানকে নিরাপত্তার কাজে নিয়োজিত করা হয়েছে।

\*\*\*\*\*

## **Governor :**

রাজ্যপাল ইন্ড্রসেনা রেড্ডি নাল্লু বলেছেন, রক্তদানের মাধ্যমে সমাজে একে অপরের প্রতি সহমর্মিতা ও দায়বদ্ধতা বোধ বৃদ্ধি পায়। গতকাল দমদমিয়া সিআরপিএফ গ্রুপ সেন্টারে রোটারি ক্লাব আগরতলা ও সিআরপিএফ এর যৌথ উদ্যোগে আয়োজিত এক মেগা রক্তদান শিবিরের উদ্বোধন করে তিনি একথা বলেন। তিনি বলেন, বর্তমানে হাসপাতাল ও স্বাস্থ্য কেন্দ্রগুলিতে রক্তের চাহিদা দিন দিন বৃদ্ধি পাচ্ছে। এই পরিপ্রেক্ষিতে সুস্থ ও সক্ষম ব্যক্তিদের স্বেচ্ছায় রক্তদানে এগিয়ে আসা অত্যন্ত জরুরি।

এদিকে, আগরতলার হোলিক্রস স্কুলেও গতকাল অভিভাবক দিবসের অনুষ্ঠানে অংশগ্রহণ করেন রাজ্যপাল ইন্ড্রসেনা রেড্ডি নাল্লু। প্রধান অতিথির ভাষণে রাজ্যপাল বলেন, শিক্ষার ক্ষেত্রে মেয়েদের অধিক সুযোগ করে দিতে হবে। তিনি ছাত্রছাত্রীদের স্বার্থে অভিভাবকদের সঙ্গে শিক্ষকদের ভাল সম্পর্ক গড়ে তুলতে আহবান জানিয়েছেন। তিনি বলেন, জাতীয় শিক্ষানীতি শিক্ষার্থীদের ভবিষ্যত গড়ার ক্ষেত্রে অপরিহার্য।

\*\*\*\*\*

## **Government reiteration on LPG :**

কেন্দ্রীয় সরকার জানিয়েছে, ঘরোয়া এলপিজি সিলিন্ডার সরবরাহ স্বাভাবিক রয়েছে এবং গত শুক্রবার পর্যন্ত ৫১ লক্ষ ৫০ হাজারেরও বেশি সিলিন্ডার সরবরাহ করা হয়েছে। এক বিবৃতিতে পেট্রোলিয়াম ও প্রাকৃতিক গ্যাস মন্ত্রক জানিয়েছে, এলপিজি-র মজুতদারি ও কালোবাজারি রোধে, দেশজুড়ে কঠোর ব্যবস্থা গ্রহণ অব্যাহত রয়েছে। একই সময়পর্যন্ত দেশজুড়ে ৩৪০০-এর বেশি অভিযান চালানো হয়েছে। মার্চ মাস থেকে পিএনজি-র প্রায় ৪ লক্ষ ১৫ হাজার গ্যাস সংযোগ দেওয়া হয়েছে এবং প্রায় ৪ লক্ষ ৫৫ হাজার অতিরিক্ত গ্রাহক নতুন সংযোগের জন্য নিবন্ধন করেছেন। গতকাল পর্যন্ত, ২৬ হাজারেরও বেশি পিএনজি গ্রাহক MYPNGD.in ওয়েবসাইটের মাধ্যমে তাদের এলপিজি সংযোগ সমর্পণ করেছেন।

\*\*\*\*\*

### **The US-Iran peace talk updates :**

পশ্চিম এশিয়ায় স্থায়ী শান্তি প্রতিষ্ঠার লক্ষ্যে মার্কিন যুক্তরাষ্ট্র ও ইরান পাকিস্তানের রাজধানী ইসলামাবাদে আলোচনা চালাচ্ছে। ইরানের জাতীয় সংবাদ সংস্থা ইরনা নিশ্চিত করেছে যে, দক্ষিণ লেবাননে ইসরায়েলি হামলা হ্রাস এবং অন্যান্য পূর্বশর্ত পূরণের পর মার্কিন যুক্তরাষ্ট্র, ইরান ও পাকিস্তানের সঙ্গে গতকাল থেকে ত্রিপাক্ষিক আলোচনা চলছে। ইরানের তাসনিম নিউজ এজেন্সি জানিয়েছে, আলোচ্যসূচির প্রধান বিষয়গুলোর মধ্যে রয়েছে লেবাননে যুদ্ধবিরতি বাস্তবায়নের প্রচেষ্টা, যুক্তরাষ্ট্রের হাতে আটক ইরানি সম্পদ মুক্তি এবং হরমুজ প্রণালী নিয়ে আলোচনা।

ইরানে সংসদের স্পিকার মোহাম্মদ বাকের কালিবাহফের নেতৃত্বে এক  
প্রতিনিধিদল এবং মার্কিন যুক্তরাষ্ট্রের ভাইস প্রেসিডেন্ট জে ডি ভ্যাগ্নের নেতৃত্বে  
মার্কিন প্রতিনিধিদল এই শান্তি আলোচনায় রয়েছে।

\*\*\*\*\*

### **Kabyalok :**

অন্যান্য বছরের মত এবছরও আগামী ১৪ ও ১৫ই এপ্রিল বর্ষবিদায় ও বর্ষবরণ  
অনুষ্ঠানের আয়োজন করেছে সাংস্কৃতিক সংস্থা কাব্যলোক। গতকাল  
আগরতলায় কাব্যলোকের সম্পাদক উত্তম চক্রবর্তী সাংবাদিক সম্মেলনে একথা  
জানিয়েছেন। তিনি জানান, দু'দিনব্যাপী এই অনুষ্ঠান হবে আগরতলার মহারানী  
তুলসীবতি বালিকা বিদ্যালয় প্রাঙ্গণে। রাজ্য ও বহিঃরাজ্যের দুই শতাধিক শিল্পী  
এই অনুষ্ঠানে অংশ নেবেন। এবছর কাব্যলোক সম্মাননা প্রদান করা হবে বিশিষ্ট  
গীতিকার সাহিত্যিক সুবিন্দ্র ভট্টাচার্যকে।

\*\*\*\*\*

### **Bihu Parab Festival :**

সপ্তম রাজ্যভিত্তিক বড়ুয়া জনগোষ্ঠীর ঐতিহ্যবাহী বিহু পরব উৎসব আগামীকাল  
থেকে ১৫ই এপ্রিল পর্যন্ত কাঞ্চনপুর উচ্চ মাধ্যমিক বিদ্যালয় সংলগ্ন মাঠে  
অনুষ্ঠিত হবে। গতকাল সাংবাদিক সম্মেলনে বিহু পরব উৎসব উদযাপন  
কমিটির পক্ষে এখবর জানানো হয়েছে।

\*\*\*\*\*

## **T-20 Cricket :**

ত্রিপুরা ক্রিকেট এসোসিয়েশন পরিচালিত সমীৰণ চক্রবৰ্তী স্মৃতি ঘৰোয়া টি-২০ ক্রিকেট প্ৰতিযোগিতাৰ গতকাল ছয়টি খেলা হয়। এম বি বি স্টেডিয়ামে দুটি খেলায় সংহতি ক্লাব ৬৯ ৰানে বনমালিপুর ক্রিকেট ক্লাবকে এবং ব্লাডমাউথ ক্লাব ৫ উইকেটে ওল্ড প্লে সেন্টাৰকে পৰাজিত কৰেছে। এছাড়া, নৱসিংগড়ৰ পিটিএ মাঠে দুটি খেলায় পোলেস্টাৰ ক্লাব ৪ উইকেটে ইউনাইটেড ফ্ৰেন্ডসকে এবং চলমান সংঘ ২৯ ৰানে মোঁচাক ক্লাবকে হাৰিয়ে দেয়। নৱসিংগড়ৰ টি আই টি মাঠে দুটি খেলায় কসমোপলিটন ক্লাব ৫ উইকেটে হাৰ্ডে ক্লাবকে এবং জয়নগৰ ক্রিকেট ক্লাব ৮ উইকেটে ইউনাইটেড বি এস টি-কে পৰাজিত কৰে।

\*\*\*\*\*

## **Kajal Smriti Football :**

ত্রিপুরা ফুটবল এসোসিয়েশন পরিচালিত কাজল স্মৃতি ফুটবলৰ ফাইনালে উঠেছে ত্ৰিপুরা স্পোর্টস স্কুল এবং এস ডি এম স্কুল কোচিং সেন্টাৰ। গতকাল আসৰেৰ দুটি সেমিফাইনাল অনুষ্ঠিত হয়। উমাকান্ত মিনি স্টেডিয়ামে অনুষ্ঠিত প্ৰথম খেলায় ত্ৰিপুরা স্পোর্টস স্কুল পেনাল্টি শ্বুট আউটে ৪-২ গোলে সাই এসটিসি-কে হাৰিয়ে দেয়। পৰে অপর সেমিফাইনালে এস ডি এম স্কুল কোচিং সেন্টাৰ ১-০ গোলে কাতলামাৰা হাই স্কুলকে হাৰিয়ে দেয়।

\*\*\*\*\*

## Weather :

আগামী ২৪ ঘন্টায় আকাশ সাধারণত মেঘলা থাকবে। রাজ্যের সবক'টি জেলায় বিক্ষিপ্তভাবে বজ্র-বিদ্যুৎ সহ বৃষ্টিপাতের সতর্কতা জারি করেছে আবহাওয়া দপ্তর। আজ দিনের সর্বোচ্চ তাপমাত্রা ৩৪ ডিগ্রি সেলসিয়াসের কাছাকাছি থাকতে পারে। ভোরে আগরতলায় সর্বনিম্ন তাপমাত্রা ছিল ২৫.২ ডিগ্রি সেলসিয়াস।

\*\*\*\*\*

\*\*\*\*\*